



Broj: 01/c,02/c-11-1227/23-5
Sarajevo, 27.4.2023. godine

Na osnovu čl. 64.stav (1) i čl. 70. i 71. Zakona o javnim nabavkama ("Službeni glasnik BiH" br. 39/14 i 59/22), a na prijedlog Komisije za javne nabavke Predstavničkog doma imenovane Rješenjem broj: 01/c-11-649/23 od 3.2.2023. godine, u skladu sa Zapisnikom o pregledu i ocjeni ponuda broj: 01/c,02/c-11-1227/23-4 od 24.4.2023. godine, tajnik Predstavničkog doma Parlamenta Federacije BiH i sekretar Doma naroda Parlamenta Federacije BiH, **donose:**

O D L U K U

o izboru najpovoljnijeg ponuđača za nabavku licenci i podrške za mrežnu i sigurnosnu opremu u Parlamentu Federacije Bosne i Hercegovine

I.

Ugovor o nabavci licenci i podrške za mrežnu i sigurnosnu opremu u Parlamentu Federacije Bosne i Hercegovine, dodjeljuje se ponuđaču **King ICT d.o.o. Sarajevo**, za ponuđenu ukupnu vrijednost ugovora u iznosu od 15.999,00 KM bez PDV-a, odnosno 18.718,83 KM bez PDV-a.

II.

Ponuda iz tačke I. ove Odluke zadovoljava sve uslove utvrđene u predmetnom konkurentskom zahtjevu za dostavu ponuda, ista se nalazi u okvirima procjenjene vrijednosti nabavke.

Izabranom ponuđaču, ugovor će biti dodjeljen u skladu sa elementima dostavljene Ponude, te uslovima i kriterijima utvrđenim u tenderskoj dokumentaciji.

III.

Izabrani ponuđač obavezuje se na dostavljanje dokaza po članu 45. Zakona, u roku od 3 dana od dana prijema ove Odluke, a sve u skladu sa tačkom 12.1 tenderske dokumentacije.

IV.

Ova odluka objavit će se na web-stranici ugovornog organa, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

27. IV 23
[Handwritten signature]

[Handwritten mark]

Obrazloženje

Postupak javne nabavke pokrenut je Rješenjem o provođenju postupka za odabir najpovoljnijeg ponuđača, broj: 01/c,02/c-11-1227/23 od 3.4.2023. godine.

Ukupna procijenjena vrijednost nabavke iznosi 16.000,00 KM bez PDV-a.

Predmetni postupak nabavke proveden je putem konkurentskog zahtjeva za dostavu ponuda. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 56-7-1-22-3-6/23 od 10.4.2023. godine i broj 26/23 u „Sl. glasniku BiH“.

Krajnji rok za prijem ponuda bio je: 24.4.2023. godine do 10:00 h, a javno otvaranje ponuda je upriličeno isti dan na adresi ugovornog organa u 10:30 sati. Tendersku dokumentaciju sa portala javnih nabavki do ostavljenog roka za preuzimanje preuzelo je ukupno: devetnaest (19) potencijalnih ponuđača. Do ostavljenog roka zaprimljena je jedna (1) ponude ponuđača King ICT d.o.o. Sarajevo.

Komisija za javne nabavke Predstavničkog doma Parlamenta Federacije BiH, imenovana Rješenjem, broj: 01/c-11-649/23 od 3.2.2023. godine, izvršila je pregled i ocjenu ponude (Zapisnik o pregledu i ocjeni ponuda, broj: 01/c,02/c-11-1227/23-4 od 24.4.2023. godine (u daljem tekstu: Zapisnik) je u prilogu ove Odluke), te je konstatovala da je dostavljena ponuda formalno-pravno i tehnički prihvatljiva.

Članom 3. stav (1) Pravilnika o uslovima i načinu korištenja E-aukcije ("Sl. glasnik BiH", broj 66/16) definisano je da ugovorni organ u sistem e-Nabavke unosi sve prihvatljive ponude.

Obzirom da je pristigla samo jedna prihvatljiva ponuda, e –aukcija se ne može provesti, već se postupak okončava u skladu sa članom 69. Zakona o javnim nabavkama ("Službeni glasnik BiH" br. 39/14 i 59/22).

Komisija za javne nabavke Predstavničkog doma uputila je preporuku tajniku Predstavničkog doma i sekretaru Doma naroda Parlamenta Federacije Bosne i Hercegovine za izbor najpovoljnijeg ponuđača za nabavku licenci i podrške za mrežnu i sigurnosnu opremu u Parlamentu Federacije Bosne i Hercegovine.

Iz svega naprijed navedenog, odlučeno je kao u dispozitivu ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje Žalbi BiH putem ugovornog organa u pisanoj formi i u dovoljnom broju primjeraka, koji ne može biti manji od tri.

**SEKRETAR
DOMA NARODA**

Izmir Hadživić

**TAJNIK
PREDSTAVNIČKOG DOMA**

Ivan Miličević

Dostaviti:

- Komisiji za javne nabavke Doma naroda;
- Stručnom savjetniku za javne nabavke PD,
- Komisiji za javne nabavke Predstavničkog doma,
- Računovodstvu;
- King ICT d.o.o., ul. Aleja Bosne Srebrene 34, Sarajevo (putem e-maila);
- a/a.